

**SOALAN LAZIM (FAQ)**  
**KEPERLUAN PERLINDUNGAN KESELAMATAN SOSIAL RAKYAT MALAYSIA**  
**BEKERJA DI LUAR NEGARA : SINGAPURA**

**1. Apa itu soal selidik keperluan Perlindungan Keselamatan Sosial Rakyat Malaysia Bekerja Di Luar Negara ?**

Dalam usaha untuk membina jaringan keselamatan sosial yang lebih komprehensif, kajian ini bermatlamat untuk membina ekosistem profil, mengumpul maklumat dan mengenal pasti keperluan perlindungan keselamatan sosial rakyat Malaysia yang bekerja di luar negara dengan memberi tumpuan ke Singapura..

Di samping itu, kajian ini akan turut meninjau isu-isu penting lain yang berkaitan agar tindakan susulan yang bersesuaian dapat dicadangkan bagi menambah baik perlindungan keselamatan sosial untuk rakyat Malaysia yang bekerja di luar negara umumnya.

Pengumpulan data untuk kajian ini akan terbahagi kepada dua fasa iaitu

- i. Fasa Pertama (Januari – Mei 2022)
- ii. Fasa Kedua ( Jun – November 2022)

**2. Siapakah golongan sasaran responden bagi soal selidik Keperluan Perlindungan Keselamatan Sosial Rakyat Malaysia Bekerja Di Luar Negara ?**

Untuk fasa pertama, sasaran responden bagi soal selidik ini adalah individu yang menepati kriteria berikut;

- I. Rakyat Malaysia yang berada di Singapura sama ada bekerja, tidak bekerja atau bagi tujuan lain,
- II. Rakyat Malaysia yang bekerja di Singapura tetapi sedang berada di Malaysia; dan
- III. Rakyat Malaysia yang pernah bekerja di Singapura pada tahun 2020 hingga 2022.

Untuk fasa kedua, sasaran responden akan terbuka kepada semua rakyat Malaysia yang berada di luar negara dan juga rakyat Malaysia yang aktif mencari pekerjaan di luar negara.

Sehubungan itu, individu-individu yang menepati kriteria di atas adalah dimohon untuk berkongsi input mereka kepada kajian ini melalui soal selidik yang dilaksanakan secara dalam talian.

**3. Siapakah pelaksana bagi soal selidik Perlindungan Keselamatan Sosial Rakyat Malaysia Bekerja Di Luar Negara ?**

Kementerian Sumber Manusia (KSM) melalui Pertubuhan Keselamatan Sosial (PERKESO) dengan kerjasama Institut Maklumat dan Analisis Pasaran Buruh (ILMIA), Jabatan Perangkaan Malaysia akan melaksanakan Kajian Perlindungan Keselamatan Sosial Rakyat Malaysia Bekerja Di Luar Negara.

**4. Berapa lamakah tempoh pengisian soal selidik Keperluan Perlindungan Keselamatan Sosial Rakyat Malaysia Bekerja Di Luar Negara dibukakan ?**

Soal selidik Perlindungan Keselamatan Sosial Rakyat Malaysia Bekerja Di Luar Negara boleh diakses dengan melayari pautan [myworkabroad.perkeso.gov.my](http://myworkabroad.perkeso.gov.my) mulai 10 Januari 2022 sehingga 31 Mei 2022.

Bermula 1 Jun 2022, portal [myworkabroad.perkeso.gov.my](http://myworkabroad.perkeso.gov.my) akan dibuka kepada semua rakyat Malaysia yang berada di luar negara dan juga kepada rakyat Malaysia yang aktif mencari pekerjaan di luar negara.

**5. Apakah manfaat yang saya peroleh jika menyertai soal selidik Keperluan Perlindungan Keselamatan Sosial Rakyat Malaysia Bekerja Di Luar Negara ?**

Dapatan kajian ini akan memainkan peranan yang penting dalam usaha memastikan kualiti dan keadaan bekerja bagi Rakyat Malaysia yang bekerja di luar negara dapat dinaik taraf sekali gus membuka peluang kepada lebih ramai rakyat Malaysia untuk mendapat pendedahan dan pengalaman kerja di luar negara sambil memperoleh pendapatan yang menarik.

**6. Adakah maklum balas saya sulit?**

Ya. Maklum balas anda akan dipelihara sebagai SULIT. Respons anda akan digunakan sebagai rumusan dalam laporan kajian.

Soalan Umum berkaitan dengan PERKESO boleh dilayari melalui laman sesawang PERKESO: <https://www.perkeso.gov.my/soalan-lazim.html>